



Broj:09-20-11-2-2815-III
Datum: 30.11.2023. godine

Na osnovu člana 43. Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama BiH (Službeni glasnik BiH broj: 39/14 i 59/22), i preporuke Komisije za provođenje otvorenih postupaka nabavke u 2023. godinu, direktor Federalne uprave policije po ovlaštenju Vlade FBiH d o n o s i :

ODLUKU

o izboru najpovoljnijeg ponuđača u postupku

Javne nabavke rezervnih dijelova za vozila iz programa AUDI van garancije za LOT – 3

1. Dodjeljuje se Ugovor ponuđaču KARE d.o.o. Sarajevo za Javnu nabavku rezervnih dijelova za vozila iz programa AUDI van garancije za LOT – 3, prema Ponudi broj: SK 14423.3/23 od 17.11. 2023. godine nakon provedene e-Aukcije sa ukupnom cijenom u iznosu od 24.327,00 KM bez PDV-a.
2. Po okončanju roka za žalbu Ugovorni organ će pozvati izabranog ponuđača radi zaključenja Ugovora.
3. Obavezuje se ponuđač iz tačke 1. ove Odluke da u roku od 5 dana od prijema ove Odluke dostavi dokumenta navedena u Tenderskoj dokumentaciji broj: 09-20-11-2-2815 od 25.10.2023. godine.
4. Ova Odluka objavit će se na web stranici Federalne uprave policije www.fup.gov.ba u skladu sa članom 70. Stav (6) Zakona o javnim nabavkama ("Službeni glasnik BiH", broj: 39/14 i 59/22).
5. Za izvršenje Odluke zadužuje se Sektor za materijalno-finansijske poslove.

OBRAZLOŽENJE

Federalna uprava policije je provela otvoreni postupak Javne nabave rezervnih dijelova za vozila iz programa AUDI van garancije za LOT – 3, po Obavještenju o javnoj nabavci broj: 1412-1-1-319-3-144/23 od 27.10.2023. godine objavljeno u "Službenom glasniku BiH" broj: 80/23, dana 24.11.2023. godine.

Dana 17.11.2023 godine, Komisija za provođenje otvorenih postupaka nabavke za 2023. godinu je izvršila radnju Otvaranje ponuda o čemu je sačinjen Zapisnik sa otvaranja ponuda u kojem su uneseni svi elementi predviđeni članom 63. stav 4. i 5., ZJN BiH.

Komisija je u postupku pregleda i ocjene ponuda utvrdila da su u predviđenom roku za dostavljanje ponuda za LOT- 3 (Javna nabavka rezervnih dijelova za vozila iz programa AUDI van garancije), pristigle tri (3) ponude i to Ponuda ponuđača Mirado d.o.o. Tuzla broj: I-4594/23 od 13.11. 2023. godine sa ponuđenom cijenom u iznosu od 192.148,50 KM bez PDV-a, Ponuda ponuđača Kare d.o.o. Sarajevo broj: SK 14423.3/23 od 17.11. 2023. godine sa ponuđenom cijenom u iznosu od 24.327,00 KM bez PDV-a i Ponuda ponuđača Autoelektra d.o.o. Sarajevo broj: 1017-03-XI/23 od 17.11.2023. godine sa ponuđenom cijenom u iznosu od 74.783,00 KM bez PDV-a.

U odnosu na ponudu ponuđača Kare d.o.o. Sarajevo, Komisija je ocijenila da je iskazana sa neprirodno niskom cijenom, te je od navedenog ponuđača u skladu sa članom 66. ZJN BiH zatražila pismeno obrazloženje ponuđene cijene, a koje obrazloženje je dostavljeno Komisiji i prihvaćeno, nakon čega je zatraženo provođenje e- Aukcije.

Komisija je zaprimila Izvještaj o toku i završetku e-Aukcije za LOT 3 - (Rezervni dijelovi za vozila iz programa Audi van garancije) broj: 1412-1-1-319/23 od 30.11.2023.godine, iz kojeg je vidljivo da je ponuđač Kare d.o.o. Sarajevo u odnosu na navedeni LOT ponudio najnižu ukupnu cijenu koja iznosi 24.327,00 KM bez PDV-a, koja je za ugovorni organ prihvatljiva, te Komisija rukovodeći se kriterijem najniža ukupna cijena tehnički zadovoljavajuće ponude, shodno članu 70., Zakona o javnim nabavkama Bosne i Hercegovine, predložila donošenje Odluke o izboru najpovoljnijeg ponuđača Kare d.o.o. Sarajevo za LOT 3 – Javna nabavka rezervnih dijelova za vozila iz programa Audi van garancije, što je konstatovano u Zapisniku o pregledu i ocjeni ponuda od 22.11., 27.11. i 30.11.2023. godine.

Razmatrajući prijedlog Komisije, direktor Federalne uprave policije po ovlaštenju Vlade FBiH donosi Odluku kao u dispozitivu.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.

Dostaviti:

- Sektor za mat. fin. poslove
- ponuđačima
- u spis

DIREKTOR
(po ovlaštenju Vlade FBiH)
GLAVNI INSPEKTOR

Vahidin Munjić

